

INUIT ATAQATIGIIT

INATSISARTUNI



Nuuk, 11. april 2012

Inatsisartut Suleriaasianni § 37 naapertorlugu matumuuna imaattunik Naalakkersuisunut apeqquteqarpunga.

(Inatsisartuni ilaasortaq Olga P. Berthelsen, Inuit Ataqtigiiit)

Apeqqutit:

1. Maniitsup illoqarfiani ukiumut ernisartut amerlassusaat eqqarsaatigalugit, Sisimiunut erniartortalernissaq Peqqinnissaqarfimmut qanoq aningaasartuutaassava?
2. Juumuutut atorfiup inuttaaruttussap, allamik juuumumik inuttalernerqarsinnaanera eqqarsaataasimava?
3. Taamaassimangippat sooq suullu tunngavigalugit?
4. Sinerissap sinnerani ernisitsisarnermut tunngatillugu siunissami qanoq inissisimalersorqarsinnaanera nalilersorneqarpa?
5. Siusinaartumik iliuuseqarneq (tidlig indsats) juumuuverunnerata kingorna qanoq kinguneqartinneqassava?
6. Maannamut Nunatsinni arnat illoqarfitsik qimallugu erniartortariaqartartut qanoq amerlatigippat?

Tunngavilersuut.

Inuit Ataqtigiiinni paasisinnaalluarparput Maniitsumi innuttaasut ernumammata, illoqarfimmini ernisoqarsinnaajunnaarnissaa pillugu. Ilisimavarput anaanaasumut, ataataasumut, meerarisanullu aammalumi qanigisanut allanut, illoqarfik qimallugu erniartortariaqartarneq imaannaanngitsuusoq.

Inuit Ataqtigiiinni pingaartipparput, kikkulluunnit napparsimaveqarfimmi sulinneqartut sutigut tamatigut illersorneqarsinnaasumik sulinneqarnissaat. Taamaattumik aamma immikkoortortaqarfimmi nakorsaanerup, taama ilungersunartigisumik aalajangiisariaqarsimanera paasisinnaavarput.

Taamaattorli aalajangiinerup taamaattup inuiaqtigiiinnut aningaasatigut kingunissaat paasisisariaqarpagut. Assersuutigalugu juuumumik atorfinitsitsineq, erniartornermi aningaasartuutaasussat eqqarsaatigalugit, akikinnerussannginnersoq qulaajarneqartariaqarpoq.